

16
CAROLI FRIDERICI
KALTSCHMIED

H. T. FACULTATIS MEDICAE DECANI

PROGRAMMA INAUGURALE

DE

RARO CASU,
UBI INTESTINUM RECTUM
IN VESICAM VRINARIAM
INSERTUM FUIT

DISSERTATIONI

CLARISSIMI DOMINI DOCTORANDI

CAR. FRIDERICI REHFELD

SVNDENSIS POMERANI

DE

FEBRIBVS INTERMITTENTIBVS
ET SPECIATIM DE TERTIANA
SIMPLICI

PRAEMISSVM.

GENAE

LITTERIS TENNEMANNIANIS

CMDCCCXVI.

CLARK COUNTY

DEPT. OF AGRICULTURE

PROGRESSIVE

CLARK COUNTY

DEPT. OF AGRICULTURE

PROGRESSIVE

DEPT. OF AGRICULTURE

DEPT. OF AGRICULTURE

PROGRESSIVE

CLARK COUNTY

DEPT. OF AGRICULTURE

DEPT.

CLARK COUNTY

DEPT. OF AGRICULTURE


PROGRESSIVE

DEPT. OF AGRICULTURE

DEPT.

CLARK COUNTY

DEPT.



olidas corporis nostri partes vitiari saepius mala conformatione et hinc vel magnitudine vel numero vel figura, vel positura laborare vitiosa ex pathologicis notum est. In ultimae huius speciei censum venit, quem describere placet, casus rarissimus. Infans ad me deferitur masculus trium dierum aetatis, cuius aperturam, ut operatione perficerem, parentes rogant. Petit is parentum satisfactorius in gratiam Auditorum in collegio chirurgico publico incisionem tento, sed frustra, cum intestini recti limites inuenire non possem. Sperans igitur, intestinum rectum repletionem faecum magis tensum postero die in conspectum



venturum prosecutionem operationis differo. Sed nec postero die intestinum rectum incisioni respondebat. Fato igitur suo puellum relinquere coactus iubeo, ut quotidie symptomatum historiam referrent, aut si fato cederet puellus, eundem ad me deferrent, quo in casum hunc rariorem accuratius inquirere ac operationis frustraneae causam explorare possem. Post octiduum moritur infans. In eodem igitur collegio cultello anatomico causam operationis frustra susceptae persequor. Vbi curioso ac inaudito spectaculo apparebat intestinum in vesicam supra eius collum immissum, exigua tamen apertura, ita ut stylum saltem crassiores immittere in vesicam possem. Aderant in vesica dilutae faeces, quarum portio etiam cum vrina ante aliquot dies reiecta fuerat, ut coniecturam huius rei facere possemus. Apertis renibus ac tubulo per pelum immisso vesicam aequae ac intestinum rectum flatu distendere, tubulo vero in intestinum rectum immisso etiam in vesicam aerem immittere, poteram. Tunc vero palam fiebat, cur operatione aut vlla alia ratione infanti medelam adferre impossibile fuerat. Litteris ad Illustrem Hallerum datis respondet ille, se aliquando in cane eandem vidisse conformationem. Cum vero in homine hunc casum vix quispiam inuenerit, placuit schemate adiecto exhibere delineationem huius intestini recti in vesicam hiantis, ubi A. A. intestinum rectum monstrat, B. B. renes ostendit, CC. vretes denotat, E. collum vesicae et F. insertionem in vesicam supra eius collum ostendit. Prae-

para-

❁ ❁ ❁ 5

paratum hoc in supellectile meo praeparatorum adhuc
commonstrare possum.

Praemittere haec placuit inuitationi ad Dissertatio-
nem inauguralem futuro xxviii. Decembris die defen-
dendam

CLARISSIMI DOMINI DOCTORANDI
CAROLI FRIDERICI REHFELD

SVNDENSIS POMERANI,

qui sequens nobis vitae exhibuit curriculum:

Ego CAROLVS FRIDERICVS REHFELD
Anno MDCCLXXV die II Nouembris lucem adspexi Sundiæ. Pa-
trem, inter coelites iam triumphantem, veneror PAVLVM REH-
FELDIUM, Superintendentem olim Ecclesiarum Sundensium nec
non pastorem primum, ac Gymnasii, quod Sundiae floret, Pro-
fessorem Theologiae atque Scholarcham; matrem vero MARIAM
MARGARETHAM, ex stirpe HOYERIANA ortam. Optimorum
parentum, maximum in educatione bona studium adhibentium, pri-
ma omnino cura fuit, quam solertissima, vt primis christianae reli-
gionis veritatibus imbuerer, quibus praemissis, in artium liberalium
fundamentis primo instruerer: Quem ad finem non solum ipsi ope-
ram suam sufficienter adhibuere, sed et priuatis me dedidere prae-
ceptoribus, quos veneror WENTINVM, CVRTIVM. Primis ita
artium liberalium principiis instructus, iussu optimorum parentum
Gymnasium Sundense frequentavi, cuius assessores, vt praeceptores,
veneror Celeberrimum atque Excellentissimum LOEPERVM, tunc



temporis Professore Theologiae atque Superintendente Sunden-
sem, nunc vero pie iamiam defunctum; Rectorem BARTHOLDI,
Conrectorem WACKENRODERVM et Subrectorem POMMER-
ESCHIVM. Anno MDCCCL numero Studioforum Gryphiswalden-
sum adscriptus sum a Rectore Magnifico t. t. Excellentissimo Pro-
fessore AEMINGA: atque ita praeparatus Anno MDCCCLII, Men-
se Aprili hanc Musarum Salanarum sedem petii florentissimam, vbi,
inter ciuium academicorum numerum receptus a Celeberr. atque
Excellentissimo Professore REVSCHIO, sceptrum tunc temporis te-
nente academica, ad altiora addiscenda iam dedi operam. Vt igitur
omnibus necessarias scientias philosophicas vltius prosequer-
er, praelectionibus Logices Praeclarissimi atque Doctissimi Dni M.
WIEBE interfui, in veritatibus vero metaphysicis ex doctissimo ore
Excellentiss. ac Celeberr. Professoris REVSCHII instructus sum at-
que Ius Naturae solide explicantem audiui Illustr. atque Excellen-
tissimum DRIESIVM; atque cum per primum cursus academici
mei tempus studio me tradiderim Theologico, in huius scientiae
disciplinis addiscendis Praeceptores veneror Viros summe reueren-
dos amplissimos, excellentissimos, WALCHIVM in historia eccle-
siastica, et REVSCHIVM, introductionem suam in Theologiam re-
uelatam et Baieri Compendium Theologiae positivae egregie expla-
nantem: linguae hebraicae vero fundamenta me docuit Praeclariss.
Dn. Adiunctus HIRTIVS. Per vnum ita annum et dimidium cum
Philosophicis et Mathematicis tractans Theologica, aegrotanti mihi
insignis, ea addiscendi, quae ad artem salutarem pertinent, orieba-
tur cupiditas. Qua de re ab hoc tempore Celeberrimorum Me-
dicorum praelectionibus sedulo interesse incipiebam. Illustrem
igitur ac Excellentissimum HAMBERGERVM praeceptorem habui,
tam in Mathematicis ac Physicis, quam in Physiologia, Pathologia
et Semiotica, nec non Mechanica ad Corpus humanum adplicata,
cuius os diuinum vt plura exponens audire potuissem, matura hu-
ius viri ingeniosissimi atque Doctissimi, qua ciuibz Salanae eripie-
batur



batur, morte, impeditus fui. Nunquam vero, donec ero, grata mente agnoscere desinam salutaria ac praeclara ea, quae ex ore sapientissimo Perillustri atque Excellentissimi KALTSCHMIDII, facultatis Medicae Decani h. t. spectatissimi, accepi praecepta in Anatomicis et Osteologicis pariter ac in materia medica, Chirurgia, arte obstetricia, nec non ipsa in praxi medica. Neque ideo parui ab hocce Viro longe lateque Celeberrimo orti mihi fructus sunt, quod varia ipsum secantem cadauera, nec non operationes quasdam chirurgicas mira et manus et ingenii promptitudine instituentem vidisse mihi licuerit. Ingens etiam Excellentiss. ac Celeberr. STOCKIVM in addiscendis scientiis medicis adtulisse mihi emolumentum, gratissimo fane fateor mente. Neque parum me ex Excellentissimi ac Doctissimi Professoris FASELI praelectionibus solidissimis hausisse utilitatis, nunquam non gratus praedicabo, dum magni mihi ex iisdem in Physiologicis, Pathologicis, Materia medica et Methodo medendi generali nec non in Osteologicis orti sunt fructus. Rem herbariam audiui apud Illustr. WEDELIVM. In Mathesi tam pura, quam mixta nec non in Physicis praeter laudatum Illustr. HAMBERGERVM, praeceptorem etiam habui Excellentissimum SVCCOVIVM, in Physicis vero quoque Excellentissimum WIEDEBVRGIVM. In Chemicis denique praeceptorem veneror Experientiss. atque Doctissimum Dominum D. FUCHSIVM, cuius solidas profecto instructiones etiam nunquam non grata recordabor mente.

Ita optime praeparatus noster ex desiderio ipsius die 1 Octobris in numerum receptus est candidatorum atque ad examina admissus; in quibus Facultati nostrae eruditionem suam exacte probavit et hinc ipsi concessum est, ut futuro xxviii. Decembr. a. c. dissertationem suam



suam inauguralem de Febribus intermittentibus et speciatim de tertiana simplici publice defendere possit. Hunc itaque actum inauguralem ut Magnificus ac summe reuerendus Academiae Prorektor, Patres Academiae venerandi, Hospites omnium ordinum honoratissimi, generosi, nobilissimi et doctissimi Domini Commilitones magnifica ac honorifica sua praesentia splendidiorem ac solennem magis reddere velint, ea qua decet, obseruantia ac humanitate nomine Collegii mei inuito. Ienae die 25. Decembr.

1756.





